



---

**SELASA, 14 FEBRUARI 2023  
UNTUK SIARAN SEGERA**

**GANGGUAN BEKALAN KUASA DI PUSAT KAWALAN TRAFIK UDARA  
KUALA LUMPUR (KLATCC), SEPANG, SELANGOR**

PUTRAJAYA – Pihak Berkuasa Penerbangan Awam Malaysia (CAAM) mengesahkan gangguan bekalan kuasa di Pusat Kawalan Trafik Udara Kuala Lumpur (KLATCC) di Sepang, Selangor pada 1:41 tengah hari Selasa, 14 Februari 2023.

Semua operasi kawalan trafik udara telah dipindahkan dengan serta-merta ke fasiliti kawalan kelangsungan operasi (*Business Continuity*) di KLATCC sementara kerja-kerja membaik pulih dijalankan. Ini bagi memastikan gangguan yang minimum terhadap operasi penerbangan dan mengikut Pelan Kelangsungan Perniagaan (BCP).

Kesemua pendaratan dan pelepasan pesawat ke *Kuala Lumpur Flight Information Region* (KL FIR) adalah tertakluk kepada pengurusan aliran trafik udara. CAAM kesal atas kesulitan yang dialami oleh semua penumpang yang terjejas dan memastikan tiada kompromi terhadap keselamatan dan keselamatan operasi kawalan trafik udara.

**KAPTEN NORAZMAN BIN MAHMUD**  
Ketua Pegawai Eksekutif  
Pihak Berkuasa Penerbangan Awam Malaysia